

曼谷

九谷

亭

集

谷

饒飢亭集卷十六

壽陽祁衡藻叔穎

古今體詩三十九首

庚寅

庚寅新正十有三日初移園居簡滇生簞亭

秋仲賦于役冬初返予宅雖與風塵辭而苦湫隘迫九衢
車馬喧竟日不煖席人情重往來公退須謁客崢嶸歲華
新春氣噓紫陌不知爲底忙但見駒過隙一夜東風緊積
雪連山白出城向西笑川原忽開闢日莫款園扉修竹依
然碧坐我窗前几披我几上册添我瓦鑪火永我青鐙夕
舊雨兩三人喜氣上眉額巢鵲亦有情喈喈繞屋脊似憐
曉山色催我著履舄翻思抗塵容忽若脫籠翮指樹訪前

湖折花出左掖便當續舊遊重掃莓苔迹

月夜踏池冰歸食筍齋

夜深明月照積雪雪覆冰池人不知但見光明白地中一條界破青琉璃我欲穿橋向東折愛此寒玉團團姿人影履迹不到處負冰惟有潛魚窺歸來砌竹搖參差繞壁呼鐙看舊詩忽憶夕陽樓下句狂歌醉墨使人悲

去年程春海和予詩

有踏冰重上夕陽樓之句今春海奉諱南歸幾一載矣

和簡亭春遊雜興六首

春來怊悵是冰消隔斷玻璃路一條縱有石橋三兩折綠波相望對門遙

今年積雪未生塵蘋藻依然汙澗濱行過桃花孤嶼外尋

常祇是望洋人

瓦鑪活火校書天
筆研安排共几筵
一笑登樓得清曠
西山了了落窗前

東風峭峭弄輕寒
花信多因閨歲寬
欲借春陰護三月
海棠留作夏初看

今年三月將有扈從之役

竹翠侵階水繞門
幾家茅屋似山邨
隔籬但許頻呼酒
抱甕何煩別灌園

塵世常逢笑口難
詩懷肯向素心闌
羨君下筆驅春色
無數銀花擁鳳鸞

二月四日雪中張麓門舍人

延閣

招同年飲卽席次

鄭雲麓

開禧韻

銀杯逐馬到門前雪影搖鐙照屋椽不獨醇醪能醉客相逢舊雨已忘年清談灑灑風生腋歸路遲遲月上弦便擬從容叩詩社未妨疏嬾向花甌

觀東坡武昌西山詩墨蹟次韵紀之時恭校石渠寶笈書畫

米顛醉墨如新醅天上桂枝能手栽茅屋秋風寫山谷筆

蹤瘦勁森寒梅元章桂枝詩兩帖山谷書杜陵茅屋歌墨蹟皆寶笈所藏

西清書畫飽眼福插架萬軸山崔嵬坡公此書更超絕世

俗所見真興臺長劍玉佩正兼跋古香溢紙無纖埃岑跋

感歎具顛末詩尾岑象求跋峻嶒五嶽胸中堆後之作者樓與李

詎免質鼎充雲壘樓次蘇韵李詩似質書當時金鑾對玉

署白頭憶舊西山隈作歌遠繼猗玗子徑欲鏟彼蒼厓苔

如何承旨

鄧聖求

老而諄紹述之論從茲開鄧李

清臣

比周

黨禍起朝野正氣遭殘摧公詩豫防獺鶴怨重以友誼敦
陳雷請看行間氣鬱勃墨瀋猶挾松濤來願公且勿弔屈
賈黃鶴鸚鵡同堪哀

題張詩舲西山紀遊詩冊

十年未踐煙蘿約一笑看君策杖還誰料玉堂相對直髯
翁詩已滿西山

次韻詩舲西山寺海棠憶吳蘭雪丈

看花君道山中樂不肯紅塵插雙腳坐聽松濤灑西嶠歸
來笑我園海棠花時蜂蝶春風香祇恐山中無此忙黔西
詩客老相識白首對花應我憶記取牆頭好山色

蘭丈前
年飲我

花下賦
詩投贈

和陶移居二首

自我宦京師十年四徙宅

嘉慶已卯居鐵門庚辰居珠巢街皆在宣武城南道光丙戌自

湖南還寓城內本司衙衛今移居蠅眠衙復出城南凡四徙而為庶常時館居賓席不與焉城南釣游

地樂此永朝夕

先君舊寓鐵門余生長於是年十三始歸里

無端適南國舟車

日以役歸來入城居避喧思煖席於今更幾載僕僕猶似

昔不如尋舊廬無為歎離析

終朝望白雲感彼周道詩板輿旦夕來何以歡樂之比鄰

有親舊

巷南即石土外舅宅

聊慰千里思嘉蔬薦芳醕言笑無已時

粲粲園中華春暉照耀茲含意若有待東風不吾欺

次和朱文正公蘇嶺題壁詩三首為王畹馨中丞

紹

蘭題空山古寺殘詩感舊圖冊

一代文章伯謀猷照汗青鑄人金在冶說士水懸瓴職重周山甫名高漢客星今看題壁句猶憶使車經

蕭寺紗籠碧遺文管鏤青蘭亭藏古蘭竹瓦護高瓴二老

曾聽雨諸生若散星獨餘書帶草辛苦爲箋經文正詩一首題云乾

隆已亥典試過蘇嶺寺注壁有竹君家兄庚寅過此一聯

二首題云庚子視學經過疊前韵注將與家兄交代予庚辰甲申已亥庚子往來五經此矣三首題云癸卯使旋

三疊前韵注先兄竹君庚子冬留聯真蹟也見之黠然

感舊頭俱白題詩眼尙青精廬歸許鄭南陔中丞古器寶

餅瓴地剩槃陀石人瞻戴斗星風篁山寺路披卷似曾經

朱竹君先生聯語云雲石江將疑字淞風篁嶺若誤髯蘇

敦甫先生與及門讌集花之寺龍樹院用東坡西湖

韻賦詩見示次韻奉荅

斜日滿簾絮飛雪光風入坐春生頰開緘示我兩篇詩花

氣酒香門清烈頻年使節挾風霜歸鞍猶戴星煌煌尋幽

忽造花之寺觴詠能容點也狂

顧杏樓疊坡韻二十餘篇

瘞鶴山前風

浪惡誰就僧龕覓蔬藥聞公月下放舟回若較坡翁遊更

樂

先生今春自閩使還過江與鍾仰山侍郎月夜遊焦山賦詩紀事

歸來載酒有門生老

眼看花分外明杜曲便思從履舄蘭亭何必羨琴箏

翁二銘宮允

心存

疊韻見和次荅

海幢寺裏談粵雪妙語真能解頤頰

曩余典試粵東頻行阻風海幢寺與僧談

南中氣候僧云自南漢雪後直到如今余歎其語妙

別來滾滾馬頭塵翠羽梅花夢

馨烈君昔校士懷冰霜海邦矜佩容輝煌傳經爭受文翁

業拜石還追米老狂

君於粵東試院老榕根下掘得米元章詩石乃蘇齋求而未獲者因作藥

洲訪石圖吟詩作畫殊不惡籠取藥洲洲上藥歸來講席直

三天更有名泉供宴樂

君直廬在樂泉西春海顏其齋曰樂泉西舫

蟹眼已過

魚眼生茶煙一縷橫窗明好攜天上小團月來聽金沙沸玉箏

題楊鑒泉

登訓

抱經草堂圖

憶昔弭棹九疑下挂頗看山如看畫君家子弟盡通經列
席鏗鏗共清語五年始見草堂圖中有元亭舊著書窠尊
略記漫郎宅喬木猶存處士廬高堂生後誰嶽嶽楊氏能
傳戴氏學禮堂寫定更有人口沫手舐爲商推平生不知
萬戶侯種竹幾竿橘幾頭曲學尙笑公孫子何況鳴夷老

而鄙聞君教士多禮儀舉以治民無不宜郡國正須漢循吏

朝廷早識楊生師

題顧俠君先生

嗣立

小秀野圖追次自題韵四首

茂京妙繪無由見上吉遺圖有舊題

秀野草堂圖乃王麓臺臨董文敏盧鴻草

堂舊本此圖則康熙三十五年禹鴻臚之鼎所作

一百四十年池館盡落花如雪覆

春泥

分得崑山宅畔蕉輭紅塵土此中消

竹垞集有題副相徐公種蕉圖詩亦禹鴻

臚筆定知投轄留賓地城鼓三嚴徹永宵

古字應須問仲舒酒龍詩虎劇狂疏草堂終有歸來賦敢

戀清塵第七車

小山窠石野王家清露戎葵隱士花留取水邨重寫本

魏

水村第二圖新城

一時佳句滿京華

圖首竹垞分書小秀

薦士詩荅徐廉峯編修

寶善

君知亨甫詩謂是八閩之張衡

閩士張際亮能詩廉峯以書達之左田師

尚書聞而歎比之杜老逢左丞惜不能於百寮上誦其佳

句俾之聲價增致書門下士太息如以手撫膺首言蔡明

經孝如朱壽昌天壽其名嗇其生

浙士蔡壽昌二梅學博文瞻其尋父事類朱壽

昌年三十餘卒張子今孟郊窮以詩自鳴當世豈無韓退之力不

足振姑與之飲酒如澠

以上櫟括當塗致許

笑君不識公

與卿拂拭驥裏加繁纓胡琴搥碎亦何益乃使江干野老

悲此秋蟲聲仙宮窅冥雲霞扇欲往扣之雷砰訇黃鵠掉

頭矯翼不同顧白鷗浩蕩誰能盟把君詩卷心怵怵葉龍

楚鳳安所憑君不見黔陽王宰亦奇士祇今坎壈進退聽

彼刀筆繩黔陽令王香杜金策能詩亦與廉峯相善

玉峯遂園耆年禊飲圖爲徐廉峯題

徐君招我城南遊飲我兼葭水上之僧樓袖出一匹好東

絹中有柳陰亭子桃花洲云是君家遂園舊池館禊事曾

續蘭亭修亭亭十二翁壽逾彭錢儔圖凡十二人常熟錢

升徐學乾徐秉義長洲尤侗何棟太倉黃與堅華亭王日藻許纘曾上海周金然無錫秦松齡通得年八百四十二

歲一僧似島可詩與韓門酬芋香道人宗渭亦入畫不知禹老傳神

在阿堵但覺行止坐立一一精光浮崑山尙書簪已投諸

公胡爲冠壓頭江南三月半寒煖春服稱體聊自由湘雲

老人齒最優興酣落筆騰蛟蚪

卷首蘭亭續響四字後記皆錢湘雲陸燦筆先生時

年八十一

有三一篇禊序具顛末徵詩說禮何其周惜哉當筵佳

句未裛錄金匱副本誰人收馳牋試問于湖老龍劍孰是

真吳鉤

壹齋集遂園修禊圖詩序云時康熙三十三年甲戌三月三日閱五月而司寇下世宗渭始持圖乞

諸公補書詩焉今此圖有記無詩庶峯言當時秦對鴻臚巖先生家有副本今歸蘇州某氏或即壹齋所見與鴻臚

妙筆今虎頭雙雙豁余之病眸

頃顧杏樓水部以其高祖侯君先生小秀野圖屬題

亦鴻臚筆也

玉峯秀野影落酒杯底陂塘五月涼如秋青衫水

部郎錦思奪江邱君筆更豪邁宜架珊瑚揮琳璆兩家繼

美百年後中朝文獻猶堪求水亭鵝影竟已矣使我掩卷

感歎陳澤州

鴻臚嘗為吾鄉陳文貞公寫水亭鵝圖時莫能兩見張庚畫徵錄

送李康侯

廷錫

之官南安

庚寅夏閏月李君將出守謂予宜贈言瀕行再三扣君才
能治劇宰績傳衆口下車吏不欺坐照姦必糾轉粟濟海
艘醴渠滋畎畝以茲書上考僉曰宜大受膏腴衆所競
娶君獨醜且理江漢檝歸奏南陔酒京華重晤言德性益
堅厚卽今典要郡所學當不負南安在天上此語聞之久
其地界嶺粵山澤納汙垢其人多亾業譚笑結死友緩則
莫難圖急則鋌而走時議用重法救弊亦云偶此輩鬼蜮
爲或者饑寒誘富人畏其脅漸致逋逃藪除惡固務盡原
情亦當剖

朝廷哀窮黎意在別良莠莠者殲厥魁良者勉其後此風
有衰息豈必多擊掊下游江灘惡剽掠亦時有白衣搖櫓

去中夜知誰某鳴榔捕魚者意不在做筭應念行旅困倉
卒爲援手聊書余見聞置之君左右利弊詎深悉得一恐
遺九郡齋冷於水山色滿窗牖公暇親詩書延訪及耆耆
君言副要腹立志恥升斗要爲漢循吏推忠易俗狂張急
與烹鮮斯理堪自取雙旌迓安輿南指武昌柳一水接橫
浦萬花開嶺首君行正及時持以獻眉壽

煙雨招吟圖爲詩舫農部題寄當塗夫子

十月燕臺雪飛絮餞書昔憶餞公去五月江南雨落梅招
吟今欲招公來公去公來亦何意閒雲作雨尋常事

九重一笑得新篇

今年閏夏上以喜雨詩賜公有榮懷
江上思儒雅煙雨招吟逸興超之句

鳳尾丹毫手緘寄喧傳盛事滿京華潑墨煙雲出米家吳

波亭上笑開口指說葫蘆人載酒

用詩船題句意

酒杯深處是

君恩畫扇

題詩好並論回首

玉瀾圖像在笠簷蓑袂認江邨

上有題公畫扇詩

簫亭移居藤花老屋賦贈四首

蓮葉南頭舊對門小橋流水自成邨

君舊居水南余居水北

移家似

被花先覺故遣妍紅照酒尊

桐間柳下足盤桓雨闥風窗得地寬更與先生謀位置紫

藤花底起朱闌

石壁留題墨搨無手痕轉憶趙凡夫

趙謙士侍郎曾鐫石題名嵌於雲塢之壁

又墨搨唐蜀丞相諸葛武侯碑作屏風今石刻存而墨搨殘損矣

不須惆悵梅花落池館

誰摹八友圖

園有綠萼梅一株見張文和集

鳳皇巢在五雲西孔雀樓高比翼齊

君新居與滇生近光樓相接

堪笑

秋風來去燕十年辛苦幾銜泥

君新舊兩宅皆余故居

鞭吠犬詩

小園有吠犬晝吠夜則眠曾無禦寇勞而有搏人權其性
惡檻穽尤喜窘少年行者畏其猛次且不敢前主人怒其
橫召僕施以鞭僕云犬無辜吠影固所然且恐挫辱之後
難爲用焉僕誠爲主謀毋乃溺於偏吏不捕盜賊而乃暴
市廛官不治豪猾而乃凌愚顓迎貓噬鵲鴟羅雀養腐鷄
安用爪牙爲徒以斂怨愆古來邳甯輩每爲窮怒遷酷者
貪之媒其流乃柔牽吾願用吠犬吠暴毋吠賢不爲利所

疾不爲威所跽其大足生鼈其人美且髻吾鞭不妄得搖
尾奚求憐

題翁遂盦宮允藥洲訪石圖

蘇齋好古探嶺嶠獨喜藥洲之九曜八年手拓廿八紙苔
蘚不敢藏墨妙猶惜米詩目未見英光兩字收餘耀翠榕
根大抱石臥下有驪珠沈海竅邇來相望六十載北翁已
老南翁少輶車小憩訪前躅仙掌通靈疑暗召嘉熙片碣
已完璧海嶽遺詩尤絕調年深木石互胎骨力盡斧斤開
窅窅口鉗手畫辨疑似細讀沈思忽狂叫海氣瑰奇夏雲
起乾文錯落星芒照想當興酣落筆際再拜呼兄頗可笑
留將年月補志乘收入畫圖與詠嘯王禽隸古羽皇字異

境往往闕幽峭獨怪此石君家物搜採不許旁人剽若使
蘇齋得見此始願頓償夫豈料玉堂珠殿事奢靡柱礎鑪
香付憑弔蠻邦遺蹟那足數賴有斯文重邊徼看君用意
在沈滯肯使泥塗尾終掉

遂盦跋云羊城試院東偏有池一泓南漢藥洲遺蹟也
池中有九曜石其一在藩署上刻藥洲二字左行書米
黻元章題不著年月在學署者僅存其八宋元人銘刻
池東一石最大高可二丈許上有掌迹長尺二寸不知
何時僵臥水涯老榕踞之廣蔭數畝舊傳石背有米詩
然榕根纏絡不可尋矣蘇齋老人視學茲土凡三任八
年搜剔石上題名拓得二十八紙都爲一卷附粵東金

石略後辨論最精獨以未見米詩爲憾有句云不知米老詩句刻何處想在老榕巨根內又云未知老榕腳下字後來誰則代我摹然藥洲摹米石歌則又謂或云題名卽詩處或云所竹親見之蓋亦得之傳聞未能測實也余以道光乙酉冬來持使節丙戌嘉平試惠循歸輶塵甫息乘池水方涸爰疏剔石凡蘇齋所品題者一一摹拓惟仙掌石上陳九仙隸書一段舊止拓得三行有奇其兩半行尙爲榕根所揜因竭力洗刷始得全文又思九仙題名有摩挲藓刻誦米南宮詩之語意米詩必在其旁乃復東規數尺鑿去榕根石骨旣呈字跡可摸濯而出之則元章五絕全首在焉其文云九口石

第一

行 碧海出蜃閣青空第二行 起夏雲瑰奇第三行 怪石錯

落動乾文第四行 米黻第五行 熙甯六年七月第六行 凡六行

三十一字 蘇齋潛池時在乾隆丙戌迄今甲子一周

上距米題詩時蓋七百七十有五年矣蘇齋爲余大父

行石殆與余家有緣也又按米題藥洲二字蘇齋誤連

時仲公詡等名讀之定爲元祐元年近阮芸臺尙書新

輯通志力辨其誤謂米熙甯八年以前在廣南八年以

後寓跡長沙江淮間無復南來之理然未見此刻故亦

不能定其爲何年今此詩年月具在足資互證則知藥

洲二字必同時所題而蘇齋所訂海岳年譜攷據尙未

精牖矣信乎古刻之可寶也道光丁亥中秋日 附錄

按石刻第一行石字下有八分植字與詩無涉翁跋語中亦未及細觀詩內怪字上一字有日痕迹似植字當時或因石質有損別補一植字於題下耶

自記

北湖蓮曲

北湖蓮葉田田南湖蓮葉如錢南湖花遲北湖早北湖花落南湖好美人不見西風秋日莫珠簾紅倚樓

連日彭荷村周竹溪舍人倬直園廬過訪感舊述懷
二十年來舊雨稀京華塵土滿緇衣升沈不問君平卜老大還知伯玉非滾滾雲煙經眼過茫茫耕稼與心違感君公退頻相訪閒看西山倦鳥飛

題周芸皋前輩

凱槐廳問字圖

周墀史學具三長曾憶經帷共此堂近侍猶傳韋相宅及
門最感鄭公鄉桐江鬱鬱留圖畫槐日葱葱滿屋梁欲過
元亭重載酒玉杯蕃露總淒涼

芸皋受業於同里董文恭公

題潘芝軒夫子粉社奎光詩卷卽次元韵二首

壬午新正

四日石琢堂先生招吳棣華吳諸人從夫子宴於鶴壽山房作

臘酒春盤樂異常梅花開徧狀元鄉

吳中四狀元同在林下

隔年豫

折吟詩東埽徑先安坐客牀出處無心雲在岫神仙隨分

玉爲堂

是日雪

天教此會成真率定有星辰動彩芒

標題墨妙仰耆英

卷首三松先生題粉社奎光四字

團扇家家識姓名金

帶四開添故事白華初奏屬先生

近年吳中朝士同籍侍養者夫子倡之諸人學

士踵美焉

身閒更覺鄉間樂境過難忘聚散情披卷知公定相

憶夢中猿鶴有將迎

襍詠亭集卷十七

壽陽祁騫藻叔穎

古今體詩四十五首

庚寅
辛卯

自題襍詠亭圖

并序

顏氏家訓

勉學篇
第八

吾嘗從齊主幸并州自井陘關入

上艾縣東數十里有獵閭邨後百官受馬糧在晉陽
東百餘里亢仇城側並不知二所本是何地博求古
今皆未能曉及檢字林韻集乃知獵閭是舊襍餘聚
亢仇舊是襍詠亭悉屬上艾時太原王劭欲撰鄉邑
記注因此二名聞之大喜按今太原縣故晉陽也北
齊移晉陽縣於汾水東襍詠亭在晉陽東百餘里當

卽今壽陽縣地余嘗愛其奇字取以自號擬築亭以復古蹟宦游十餘年斯願未遂芸臯前輩爲寫此圖潤山繼之遂成二妙合裴長卷并紀以詩

誅茅何地起三椽潑墨無心得兩箋畫裏似聞人失笑谿山如此不歸田

西華南衡踏碧巉醫巫閭頂倚松杉袖中萬里青山色卻

向秋窗夢鷺巖

壽陽有鷺巖見隋書

卻略嶺高堪築樓同過水小劣容舟如何一片團團月祇

爲行人照馬頭

馬頭惟有月團圓句也

擬乞閒身奉板輿太行雲下有吾廬問奇便學王君愁盤

肉都空且著書

庚寅歲七月蒙

恩予假回籍省親慈心感慰舊疴漸瘳敬紀二首

每媿春華學未優

時官右庶子

不因莼菜始思秋陳情一表

君恩重

具摺請假三月蒙面諭多給一月假期

恩

違養三年子職羞司馬尙

存家四壁士龍仍住屋東頭回看滾滾黃塵裏阜帽歸來

得暫休

宦轍年來徧

兩京

去年隨扈盛京

登仙無意羨班生相逢鄰里驚鬚髮已被

兒童問姓名菡萏園中餘水檻縵瓊亭畔數山程幾回欲

賦池塘句更摩蠻箋慰老兄

三兄詩有小臣何幸得榮名之句

中秋對月

不見北樓月經今十二年停杯一相問何似馬頭圓

崇福寺塑像歌用東坡天柱寺維摩像詩韵

憶昔作記陀羅尼寺幢頭未曾言之

寺有唐石幢鐫陀羅尼經蓋中宗時所造

今觀兩廡所塑作天巧亦復非人爲乃知象教力廣大不

僅毛角參兔龜自從化人來西域導源炎漢流陳隨有唐

畫手數道子下筆萬變神不疲楊家搏土技尤絕

維摩像唐楊惠

塑之如龍象中樽老黿後來劉鑿亦能事燕寺遺蹟人皆知

金剛妙相歷千劫本無所成於何虧栴檀一片已灰盡百

草亂門吟詩髭拈花古佛笑無語笑我欲敝維摩師

過故人周秀才

維新

里居

坎壈恒多壽天胡斬此人青山餘四壁白髮有雙親落日

柴門靜荒煙墓草新婆娑老槐樹爲爾一傷神
原憲貧非病匡衡說解頤別離勞夢想生死盡交期有子
差能立無田實可悲楹書塵土滿寂寞欲傳誰

秋雨

莽莽層陰合檐聲徹曉麗祇愁爛場圃那敢怨泥塗竟日
葛騰睡閒門剝啄無翻思苦旱日一斛抵明珠

秋穫八詠

古人重守望井里居以羣豈惟虞寇攘且復同辛勤況當
刈穫秋我稼多如雲出入必以時擊櫟聲相聞乃知農有
畔亦如政不紛年豐禮讓足政成民氣欣道路無拾遺奚
用疆界分

看畔

山田繁若梯水田浮若舟谿徑不成路硤揭行堪憂徒行
猶自可何以輓車牛場功旣已築餘力無少休伐木架橋
梁勵土平阡溝豈不念勤苦有廢必舉修何時待雨畢及
此先綢繆

除道

新鎌如新月纖纖不盈掬朝沒黃雲閒夜歸挂我屋當其
未磨時弃置在塵麗兒童竊其柄騎馬不用竹豈知一片
影中有千萬斛貴人腰黃金何如此曲木坐聞隴畔語已
有篝車祝

開鎌

胼胝豈不勞負戴豈不苦老農終歲力一笑築場圃旱潦
幸已免穗秸行堪數復愁秋雨多積壓成朽腐富家場如
砥貧家無環堵年年爲人芸所得不滿釜晚菰尙可種乞

此閒田土上場

自聞布穀鳴裊裊直到今常恐歲不與媿彼好鳥音攝爰
振四野歸來日已沈逢人互問訊斗酒還相斟但願釜無
塵慰此勞者心東鄰響夜舂西鄰動寒砧更聽絡緯語鐙
前催織紵打穀

柴門雞犬喧炊煙澹將夕負擔何紛紛居人候檐隙今年
秋大熟一畝收兩石箠箒堆已滿更裹牀頭席新穀糶不
得得價無千百但令穀價賤指囷非所惜似聞太倉中紅
朽陳陳積入倉

風雨旣已時螟螣不爲厲秋日更暄暴何者非神惠萬物
重報本豺獾亦有祭連村社鼓鳴早晚寒衣製我有一斗

酒緘藏已三歲願與父老飲艱難話生計上以荅神明下
以完租稅

謝賚

秋霜百草零秋日一窗明歲晏農務閒琅琅起書聲書聲
出窗戶驚起鄰房生我本田家子抱經不求名風塵二十
年歸來魂夢清兒時舊同學鬢髮何崢嶸終當謝交遊守
此短鐙檠

課學

消寒詠雪四首

思雪

柴扉送客後紙閣上鐙初雲薄不成凍月寒如可鋤漸聞
春信及翻訝故人疏鬢髮偏無賴年來轉笑予

聽雪

未下先愁墮將飛又故紆撲窗寒玉碎灑竹夜鐙孤只許
幽人覺應難粉本摹不知松翠底曾警鶴眠無

卧雪

野岸已無路冰山安有梯豈惟甘冷澹且免辱塗泥天上
孤星動門前五馬嘶未知東郭履可似幼安藜

煮雪

冷極存真味閒多得好懷月團原似水火候不關柴豈待
雲漿乞何須玉盃指笑他文字飲但挹酒如淮

石背溝紀遊述志呈家步衢兄

朝驥

石背溝在村東偏初遊目未涉其全但喜梯田勢高下向
陽地可容三椽再遊乃陟南岡巔對面儼如圖畫懸北厓

未上意未足市一月凡三至焉登高四顧山聯縣村如方
罍縈一川茲溝距村不三里相地卜築形所便大河湯湯
橫其前緣坡爲牆柳可編魚池雖堙泉不涸池上樹木皆
百年由東而北折復旋如螺蚌殼斜且圓此中窈窕更曠
朗築室遠望如神仙室成雜植花木妍徑以碎石垣以甃
竹籬柴扉互隱見幽澗小橋流涓涓南岡松柏栽宜先北
厓作亭高如巒此皆瘠土力可買一畝不費緡三千人生
行樂各有緣何必金谷兼平泉況此先人所遊釣舊物不
獨存青瑣杜陵同谷遭迍邐黃精山雪愁寒天草堂昔日
避兵處至今父老猶能傳十一世祖縣香府君明末避亂居此爾來三世守
寸田貧不一飽不忍捐知君愛此有深意意在世業餘粥

館

此田爲兄家舊園今漸蕪廢

余方喜母舊疴痊君亦早晚著祖鞭結

茅相約卜他日耦耕有志如石堅

擬築石隱草堂以復舊址

二月晦日大雪

枕上酒槽春雨聲破窗獵獵東風鳴不知門外寒幾許但
訝落月窺虛楹春陰惱人若春夢驅去復來時相縈夢中
不見北樓雪彈指一十三清明登樓四望銀山平山氣助
樓高崢嶸樓下丁香特奇絕萬花一夜垂珠纓回頭笑問
張公子

時張石洲過訪信宿

春色豪端已如此急呼美酒寫新詩莫
待花枝泣春水

莫春雪中看花口占六絕句

三月春深見杏花膽瓶小插任橫斜東風翦雨都成雪窗

外輕寒透碧紗

一樹丁香萬綠珠欲開仍怯嫩寒扶劇憐茅屋重扉裏賞
雨無人買玉壺

深巷春聲聽賣花天街騎馬帽檐斜放翁舊是京華客世
味而今薄似紗

芙蓉池上水跳珠食筍齋前綠玉扶記得去年花發處春
禽滿耳勸提壺

登樓借看四鄰花楊柳青青村外斜流水幾灣蘆茁筍溼
煙一抹嶺橫紗

村南有紗嶺

東風吹雪碎如珠著柳黏花借爾扶遙憶村南辰洞裏萬

紅雕鏤出冰壺

文昌廟左有辰洞溝爲鄭氏花田近年特盛

夏忠臣關龍逢故里相傳在平定州關家峪又名龍

鳳溝張石洲云聞峪人於斷崖得元呂左丞思誠碑

載峪有關龍逢墓歲久湮沒此碑不見拓本州志亦未載恐傳聞未確姑紀以詩

古無忠臣以諫死死若自關龍逢始此局一枰四千載抗

節批鱗死未已塗山鬼泣施女笑卑宮瓦裂瑤臺峙當時

國危於累卵左右偷諛憚啟齒坐令骨鯁付湯鑊母乃趙

曹肆讒毀趙梁曹觸龍皆桀諛臣皇穹不諒余忠誠白日昭昭那可

指忍爲逋臣逐終古誓以昌言報天子其言若用身不死

夏臺南巢變兩弭比干銅盤出古冢萋宏碧血照青史如

何孤忠久湮沒龍鳳沿訛失名氏欲尋斷碑補志乘摹搨

無緣得片紙我欲揭表墓前道大書忠臣之故里煌煌諫
語勒貞珉鬱鬱佳城奉祠祀庶幾神靈燭魑魅不獨恭敬
餘桑梓作詩且復紀傳聞五嶽嵯峨方寸起

六月二日送客太安驛因宿道觀觀後古松十株緣
厓高下西望五峯龍池諸勝慨然欲往以雨不果留
詩示張韓二道士

古觀危厓俯十松支離羽化想真容

觀前有傳青主篆碑
雨師還陽先生還真

之墟十字雨師者明道士郭靜中今
遺像在五峯山龍池石刻多傳書

卻看鳥道盤西嶺遙

指龍池對五峯金劍飛空丹竈在銀鉤挂壁綠苔封雨師
底事工行雨隔斷人間屐齒蹤

禱雨

六月二十七日

日躔鶉火月下弦十日不雨心如煎曉叩龍祠不遑眠撞
鐘戛磬人摩肩神宮潭潭浮紫煙槐花繡地黃金錢村農
那解求福田旱熯自責不怨天科頭跣足身由卷祝雖無
詞心則虔父老爲余述往年越有小旱神必憐今茲繹繹
復縣縣神之功半行將全孟秋之際吉且蠲彼報此祈義
各專豈無肥牡充賓筵神所不嗜姑舍旃每歲七月二日
演劇於龍神祠
以荅神貺茲則爲甘雨之
祈例禁屠沽義各有專也再拜父老言誠然誠心可貫金
石堅白雲在天龍在淵且請少駐羲和鞭神之愛人有微
權不見去年淘水泉久旱淘水泉則雨
去年試之輒驗

喜雨 二十八日

春雨東風夏則否吾鄉農諺常在口連朝獵獵西窗鳴風

妬殘雲挾而走細思諺語理或然河汾大川當縣右地氣
上騰風遏之縱雨亦微時不久山田久旱望孔亟有如渴
者驟得酒沾脣濡吻雖不酣救燥何遑論升斗神龍潤物
無遠近有禱輒施恩已厚昨日杲杲今濛濛不惜珠璣灑
塵垢西山雨腳勢未了玉女攬雲忽迴首坐取天瓢酌銀
漢一飲一石任所受溪毛采擷荅神賜余亦奉觴壽老母
乞漿得酒旨且有明日日辰方在酉

高堂以望雨孔殷
數日不茹葷矣

擬昌黎荅柳州食蝦蟇詩卽次其韵

自我來揭陽鱗介易文貌南烹多莫識未暇爾雅較鬻冠
與蠔房皮肉互潰胞章舉馬夾柱

韓句

眼腳混泥淖幸蒙鱣

魚憐苦厭蝦蟇鬪投詩元協律欲變蠻荒教孤身落腥穢

尙寐甘無覺君今飽炎瘴死灰何日爆猶然口瀾翻講學
起庠校愚溪未云辱地靈爲人效平生坐讒毀齒豁骨肯
撓正宜蛤蜊啖人謝嘉魚罩蟠腹爾何爲蝕月曾不稍坡
陀偶一見王母燕以樂椒實芼珠璣筍皮剝虎豹一嚙恣
老饕九折見忠孝會當侑鼓吹爛醉送歸權

古城古錢歌爲馬景廬

俊修作

馬君示我新莽錢云近得之古城側其文貨泉不滿寸土
花綠膩青銅蝕村農犁田斷厓下手發十甕不敢匿長繩
絡繹三百貫兩牛挽運猶喘息此錢昔日應圖識白水眞
人誰篆刻天心未厭卯金刀玉璽雖殘歸火德大臣恥用
王氏臘小民思覩漢官職爭將此錢弃泥土忍死不辱嗟

來食卽今得之亦何有鑄爲農器適相直鄉人惡其爲君葬錢多毀之

不見古城南古城北浞耳金鐘無人識吾鄉諺語劍如秋水鏡

如月居人掘土並得古器鏡劍之類賀魯城高雲亂織城名賀魯志云北魏後始有此名余

疑爲高齊賀六氏之傳訛今城址猶存又不見趙家簡子墓古檜鬱鬱圍榛

棘城東有簡子墓舊有祠今廢明碑猶存至今墓瓦卽硯材一甃何論干赤

灰簡子墓瓦可爲硯

國士橋歌

漆君頭報爾讐漆臣身報吾君世間怨毒那有此臣身雖

漆心不死死智伯生中行君臣大義疑兩妨昔庶人今國

士士之感恩在知已智果諫於前郊疵諫於後臣不能諫

臣之咎拔劍擊衣衣如泥臣死不爲百里奚橋上馬走蹶

躡橋下水聲嗚咽五步之間有臣血倒流不用汾河決

詠餅花

眞珠白作丁香婢雞子黃如小水仙

野花有眞珠白雞子黃二種風致明豔可愛

更著游龍紅一穗泥人秋色紙窗前

秋花

眾花鬧熱君獨令人爲君憐君自幸不能向人作嫵媚強
鬥時妝必遭屏天桃穠李春風時黃金買盡先開枝君獨
何爲在空谷白露團團已如玉聞道鄰人來送花對花不
語心歎嗟金堂玉砌知多少付與東籬處士家

中秋日拜別先大夫墓

不覩音容十七年拜辭馬鬣涕潸然亦知勇退爲長策其

柰飢驅更著鞭母病乍瘳增喜懼

君恩粗報敢留連回思去歲還家日一夢蘆陂月又圓

辛卯歲九月奉母來京銷假蒙

恩仍直南書房恭紀四首

那期寸草更逢春

雨露都歸大造仁因病得

聞臣有母受

恩思報汝何人版輿自幸慈躬健藥裹猶煩

聖念諄聽到

溫綸再三錫感深奚止涕霑巾九月六日七日疊蒙恩諭臣母諭以病痊後慎

重服藥並命臣母明年夏就

養直園體恤周至感激難名

出都猶憶雨滂沱
跋馬衝泥夜渡河
廿載浮名眞畫餅
一官深悔久奔波
離腸繾綣交情重
驛路崎嶇客夢多
今日奉觴還詣

闕較量此樂竟如何

出都時僚友各饋上藥是以慈體奏效甚速

安仁已喜賦閒居
況許春暉近直廬
嘉樹成陰烏繞處
舊巢未埽燕歸初
重來天上陪簪筆
早向山中拜

賜書

假中蒙初集並平定回疆戰圖

恩賜

御製詩

便拓軒窗迎竹笑
碧琉璃

水萬芙蓉

回思慈母舊痾痊
鶴算分明

錫自天

一語恩深如再世
九旬假展頓經年

去年請假

恩諭云汝母年未七十此病

易痊從此康彊可至八十九十並於三月假外加賞一
月假滿復經曹太傅相國據情面奏蒙諭俟伊母病痊
再行來京特恩展假不綵衣希鞠鄉人羨白髮劬勞
限時日尤夢想所不到也

聖主憐自是生逢

仁壽宇不材何以荅

陶甄

縵沕亭集卷十八

壽陽祁寯藻叔穎

古今體詩五十首

壬辰
癸巳

初遷翰林學士春海前輩賦詩相慰次謝述懷

燕有移巢感雲無出岫心不嗟鬚鬢改祇訝雪泥深媿我
霑微祿看君費苦吟終當狎海客浩蕩共相尋

古調移情久新妝入世難著書常獨坐話舊忽狂歡池水
龍蛇動壺天日月寬南華休悔讀貢禹且彈冠

簡亭重直 南齋疊韵奉贈

特達由

宸眷端居見道心宦情閒更遠交誼淡彌深舊壘銜泥補

新詩倚竹吟翠柯應不改瀟灑待披尋

負米嗟無計歸田信獨難誰憐遊子意偏得故人歡鷗鷺
煙波狎驂騑道路寬青袍君記取終不誤儒冠

新葺萬花深處吾廬與春海鄰

丁香七株花照天交柯連理爭後先中有海棠高過椽紅
羅四垂凝春煙其三舊植一新遷絳宮之姝來翩然獨有
文杏出屋巔高花未肯求人憐桑榆槐柳皆百年雙柏雖
穉根則堅南堂風雨不可鍵重茅蓋瓦檐溜穿入門忽訝
衡宇連豈必外樸中無妍鯁生居此如鷗眠夢裏不知三
移船余前後
三入直但指橋柱淩波圓翦除蒲葦栽芰蓮鄰翁一
笑裳乃褰吾與子觀清冷淵江鄉何日秧滿田蕭艾鬱鬱

愁蘭荃鳴鳩語燕嬌且儼詩成欲付冥鴻傳

煦齋先生以白菊花畫幀屬題

李廣橋邊一水斜陶潛徑在好移家崢嶸歲月人長健
漫詩書氣更華霜雪舊交惟鶴髮風塵殘夢尙龍沙雕闌
錦幄曾看遍海上歸來對畫叉

先生卜魁集中有
龍沙物產十六詠

紙窗翦翦影疏斜不比城南好事家小飲便過重九節
新妝難買一叢華天教彩筆留明月人指長隄是白沙十載
門牆客立雪敢將詩力鬥尖叉

感事二首

水國蘆灰滿山田蕢飯空是誰挑瓠萸竟爾射桑弓勅勒
歌方罷斑斕服不同終當膏釜鎖且復聚沙蟲

聞說池塘路官軍夜度迷同仇甘裹革遺恨失然犀聚米
山能畫銜枚力要齊毋令燎原火漸及嶺東西

春海濬池詩奧思險韻不能學步別作北陂一篇荅
其意

北陂窈而曲環山以爲界上有吟詩廊詩中更有畫觀魚
憶同樂君今感且喟闕如蟾蝕魄斷如龜坼卦蕪穢塞已
久清流爲之隘君曰濬其流必先去其穢刮目出層翳盪
胸失纖芥以茲三日勞振彼十年億多君用志猛能令人
意快豈惟人意快天公亦狡獪頓令吹垢盡鼓以大塊噫
墨雲忽飛來雨勢助澎湃曉起攬明鏡鬚髮森可怪得毋
精氣動龍蛇走聲歎君詩若潮海所伍乃與噲稍稍涉其

涯瀕洞連萬派多才信卓犖小試輒豪邁君看黃叔度清
濁兩無介更看阮嗣宗臧否口不挂吾詩亦饒舌雪壁愼
母疥

雜興

老柏擎雲根卧石枯藤委地蔓藏蛇泥人偏是丁香好占
盡東風只此花

山鬼何曾攀桂樹女蘿故自倚松枝一從茉莉來南國九
畹芬芳那得知

春海饋石首魚

幾日城南市初從海上來堆槃疑切玉失筴怕聞雷瘦石
猶存骨垂楊已貫顚細看鱗甲異恐有化龍才

自笑鴟夸腹眞成注酒罌惟宜三白飯那識五侯鯖知我
觀濠樂煩君漑釜烹春風已狼藉可許憶薤羹

望雨 四月二十七日

午日烈堪畏晚風吹更狂坐看池水減心惜樹陰涼涸魴
需升斗哀鴻急稻梁是誰爲秬斲眞欲問巫尪
一念通宵肝羣神舉禱祠龍眠應再起牛喘已多時欲乞
樂巴酒頻勞詹尹龜休歌小麥熟南國有旌旗

春海贈芍藥折枝

葩經舊族鄭名姝誰道花王屬鼠姑貴客爭憐木芍藥詩
人獨詠玉槃盂避風錦幃慙無分聽雨紗窗幸不孤一笑
知君善相謔綦巾那肯羨如荼

玉面狸俗名果子狸春海分惠一鱗兼貺佳章次謝
玉雪誰憐穉子唐文章合稱美人綸忍飢曼情懷桃核送
老鴟夸付酒壺殘尾敢教琴操變枯腸終戀菜羹麤茂先
博物曾相識記取書生破壁呼

祝蘅畦惠固始鷺約春海籥亭小飲

芍陂春色濃于酒舒雁羣遊狎可籠豈不能鳴勞客俎故
將此味鬥鄉風中馱菌子松膏膩百果狸奴玉面豐便許
招邀作重五詩成還謝祝雞翁

送胡竹村

培壘同年歸績谿

古人著書不得已書成身廢良可歎若使勲名照竹帛何
爲雕琢愁肺肝君嘗爲余述師授斯語聞之汪文端因言

年少治經義獨於三禮心尤單辦香欲祝北海鄭苦讀每
笑南陽韓中年通籍習吏事同鵝鳳閣遷農官農官急務
在心計決別常恐遭欺謾卽不被議且歸去小謫總荷

君恩寬秋風蒹鱸久相待南國鳴雁何時安還家一笑奉
菽水賴有文字娛酸寒君看仕宦得意人罷官忽若無餘
歡人生得失未可較海鷗奚事儕鷗鷺因君致聲問匡鼎
說詩之樂何般般

胡墨莊先生近著毛詩後箋聞已寫定

壬辰八月二十四日假滿入直奉簡程松庭前輩池

籀亭一兄

乞養惟思奉母歡敢云雙鬢已如潘聽多秋雨心逾冷典
盡春衣屋漸寬人事升沈紛莫定

主恩深重退猶難不知石隱堂前樹清蔭何時得飽看

母病乞開缺侍養 聖恩未允更 賞假期一月

四旬免聽漏鐘催自分朝衫著一回

初十日 萬壽聖節詣園行禮

雨露不遺閒草木禽魚仍傍舊池臺駸駸野馬穿窗過漸

漸賓鴻踏雪來

許濱生九月初出闡翁遂

且喜西鄰伴岑

寂相呼竹徑更銜杯

遣興三首

曾對名花把酒尊露翻雨打不堪論

院南海棠一株龔季思前輩自後院移植

者今年憔悴特甚榮枯萬事皆關命敢忘辛勤手植恩

古桑出屋葉氍氍霜後青黃色倍酣祇與幽人供洗眼

霜

葉洗眼可愈風熱一生從不識春蠶

余頻年用之極效

一夜西風響敗荷
曉寒添得布衾多
世間愛惡真難料
統扇甄鑪奈爾何

題鄭藹人

之彪

西窗話雨圖

後改名廷錦

去年聽雨北樓下
把酒村農祝秋社
今年望雨西園中
書生憂國思年豐
邇來蹤跡頗自怪
進不求榮乃求退
城南閉戶動經月
歸思無端羨莼菜
幸有瀟瀟舊雨來
升堂使我慈顏開
但向尊中問綠螳
不知榻下生青苔
看君作圖意相似
話舊不第寒暄耳
杜陵破屋有重茅
妻子連牀惟大被
解人更有默頭陀

儀墨農克中作圖并敘筆墨
閑雅默頭陀墨農別號也

一幅

煙雲感慨多
張公兩劍終當合
莫作王郎斫地歌

九日松庭前輩招同籥亭讌集樂泉西舫遂登西岡

步湖上抵暮乃歸意有所觸得詩二首

食蟹非愛蟹愛此濁酒醇酒醇能解顏蟹美多誤人君看
手中螯此物何輪囷外強而內腐艾甲徒滿身八跪卻橫
行助以雙目瞋蹈火不知懼濡沫猶相親若非薑桂辛性
寒愁損神賢哉張季鷹但思鱸與莼

登高不求高信步陟岡阜進既無所援退亦有所守西山
晚更綠影入湖上柳樓臺望不極隱約雜星斗僕云躋層
巔可以吞八九路危徑漸窄獨立誰與偶何如履平坦相
對開笑口歸來問籬菊此意然乎否

爲歙縣相國夫子題辛丑同年三老圖

一老調元功溫樹不言心虛沖一老坐東閣歸然魯殿靈

光崇

德州相國

更有一老瘦如鶴節鉞歸來詩酒樂

南城曾賓谷先生

三老嶽嶽眞神仙世人爭以圖畫傳

胡九思作圖

畫工畫神不

畫貌五十年前各年少共登青雲作霖雨未許黃髮親漁

釣憶昔

先皇策士彤廷開百七十人彈冠來高文典冊盡英俊一時得兩宰相才南州美彥亦大器儒雅風流膺闕寄沙隄明月浮清尊茅屋舊雨生苔痕卽今老作歲寒友同話三朝雨露恩請觀三老圖更讀三老詩香山洛社盛會不足數金石各以千秋期相公眉壽天所眷開府文章世共羨已看天上寫凌煙更說吳中畫團扇

閏秋偕演生簫亭邀松庭前輩小飲疊前韵一首

重陽兩度有餘歡，高興狂吟續老潘。坐久不知香案冷，官閒方覺酒杯寬。論兵魏相今猶健，捍水王尊古亦難。各有平生飛動意，肯將華髮鏡中看。

高樓曾記使星催，手掣鯨魚碧海回。

昔歲與松庭通政宴集近光樓今自江西

學使任滿還朝三年餘矣

更喜輶車迎露冕。

滇生以上考行將外任

已聞諫鼓在

銀臺十年舊雨多，離合一夜西風任往來。誰道黃花開最晚，泥人秋色是深杯。

有以盆菊貽者戲題

籬菊不如山盆菊，不如籬本性漸已失。況乃束縛之翦葉，芟其枝勢不得參差竟。體篋鉤絡俯仰皆，人爲大隱久不作。小隱仍遭羈呼僮，解其縛酹以酒一后。寒泉爲我灌涼

廳爲我吹居然影橫斜照我讀書帷夜深忽見夢四老森
鬢眉云自商山來手持千歲芝黃冠者前導素衣朱襖隨
心知漢羽翼胡爲時世姿子房實狡獪此事今古疑黃石
尙不見赤松安可期乃知鴻冥冥不爲弋者窺感此坐歎
息媿彼歸來辭

十二杯歌

平定張去非先生四徵爲建德令蓄酒杯十二皆精絕自號十二杯主人

年十有二月日十有二時百年三萬六千日我今停杯一
問之

李句

不知先生飲酒輒幾許但見一十二杯光陸離

先生實此有深意意與天日無窮期醉鄉廣大誅蕩蕩日

月爲車星爲旗

酒旗星名

江水綠於酒江帆風自吹偶然宦游

去去飲習家池彈琴高卧無一事萬戶吹犬足生鼉歸來

白葛巾坐對并州兒興酣羅列恣傾倒滿堂動色相嗟咨
杯空酒盡賓客散井中車轄誰爲脂公子華筵亦好客愛
惜舊物如舟彝鬱林之石桃花米清節豈復求人知此口
但可飲醇酎此杯但可容糟醕世間醉醒清濁紛紛那可
較詩成使我悲湘纍

題鄭藹人所藏奇畫小冊五首

纖畫四十八葉葉葉形容曲肖驟開色然動容諦審輒然
失笑

賈肆賤同燕石書齋珍若魯璠吃吃揚雄奇字詹詹宋玉
小言

點染黑黃蒼赤包羅名物象數會參兔角龜毛打破木雕

泥素

寫意不求理解拈豪猶覺紙寬安得滿刺加鏡方寸作方

丈觀

錦灰堆無確證博古牌亦滋疑其言人人殊也吾以不解解之

十月六日補授通政使司副使感

恩恭紀

銀臺玉署各東西一歲清班忝再躋

翰林院在長安門東通政司在長安門西

今春二月蒙

恩擢侍講學士逾半載復遷今職

天下表章分日進省中樓閣與

雲齊敢云出納爲喉舌或許登聞備鼓鼙

登聞鼓知政事掌之

政事

文章皆報

國校書何異對青藜

恩綸朝下

九重天喜氣如雲滿客筵長壽花開宮錦字老萊衣惹

御鑪煙

是日臣母壽辰先一日適蒙賜福壽長春宮綢一端

捧觴頓覺衰親健返

哺偏蒙

聖主憐

前年乞假省親勵有求忠於孝之

召對獎諭

默念

洪鈞陶鑄意致身敢負白華篇

屋有土炕火則燥不火則涇毀之重勞乃疊牀其上

戲爲高眠詩

牀上施牀古所誚吾獨愛此成高眠火燥土涇雨可避布
帳忽與承塵連元龍百尺那敢擬太邱一榻真長懸盆花

卷之二
一
鱸茗破閒寂矮几短燈生靜妍朝回午睡林鳥妬喚起一
縷橫窗煙石衢車馬聲喧闐來往箭疾無停弦閉門欹枕
書在手七載夢斷春江船客來笑我似乾鵲巢木不畏高
枝顛何如枯藜坐穿膝曲肱數尺能安禪

喜春海前輩枉過園廬

雙龍沈沈守金鑰琅嬛仙子春綽約似聞老鳳遷新巢但
惜紅牆耿碧落昨朝走馬踏殘雪來看君家木勺藥盆梅
紅白更可憐三萬牙籤擁香萼清才豔福難領略因病得
閒良不惡君言西園劇清暇散步不插塵中腳東風一夕
池冰薄疏林細煙出簾幕十年舊雨幾來去瞥眼已過雕
陵鵲西鄰送酒不忍酌東鄰送花笑而諾看花飲酒待君

樂君詩快比熊蹯臠

君近作
熊蹯詩

春雪退直

驅馬出城西夜半雞聲荒枯林僵不風星月寒無芒秉燭
啟園扉鄰車亦已將沈沈左掖門出入金與張噓吸變寒
煖指顧回春陽三日雨霧淞云是豐年祥今朝雪綬綬琪
樹連宮牆

至尊御春衣東風不敢狂貂裘竊自笑瑟縮趨明光歸來
各閉戶六花飛滿牀誰歎問袁安且復隨謝莊

春海和春雪退直之作感舊奉酬兼寄當塗夫子

觀魚憶濠濮昔者惠與莊但坐不垂釣瘦石穿爲牀江國
一回首歸然餘靈光高賢何愉愉容我詩酒狂十年手樹

木卑枝已過牆老鳳在郊樾天下知其祥應笑兩黃鵠志
欲傾朝陽層樓照積雪粉本林巒張酒酣詩更豪虹氣騰
干將誰能避嘲譏歛此肝膽芒馳緘報退叟聊慰三徑荒

次韵呈春海

憶昔青天撥雲霧張公兩劍同時鑄

道光初元與君同客
日被召入直

客

燕飛飛睇朱戶十年三度名園住食筍齋前手栽樹竹林
成徑今可步西山一笑復回顧眼底滔滔春水注

再荅春海

客塵滿目花生霧羨君下筆如鐵鑄追逐冰斯闢牖戶古
意駿駿那肯住珊瑚枝柯交碧樹世人幾見淩波步龍蛇
在壁不敢顧東滴蟾蜍淚空注

離離井邊樹二首

離離井邊樹燦燦檐角花春風日夜吹紅綠何紛拏託根
幸得地灌溉日以加豈知四郊外茫茫天雨沙去年夏苦
旱池涸無鳴蛙冬雪復幾何曾不滋萌芽

深宮念災黎失哺如飢鴉陳陳太倉粟輦運出京華側聞
古龍湫噓吸通幽遐陰厓起蟄雷流光飛金蛇焚輪戢其
威和氣銷羣邪旦夕澤下尺歡聲走犁杷吾儕媿一飽力
不及桑麻尙談經世略計拙心則奢對花那得醉顏汗顏
如霞

皇天仁萬物暘雨各有時春澤已無及夏雨猶可爲顛風
妬頑雲日夜無停吹萍翳不敢號蓄怒東南馳遂令海塘

溢慘澹天淋漓五行互爲沴其咎誰執之吾欲召飛廉回
旆驅蛟螭活此燕薊毗走彼旱魃兒人情亦易鑒斟酌斗
與箕南北無異地力不難轉移天門誅蕩蕩應龍守其巖
浮雲蔽白日飄忽不可知誰能掬江河一濯槁木枝諒非
涕滂沱下土何由滋

題徐廉峰憶壺園圖

壺公隱一壺巢父巢一枝蘭成小園苦相憶君今談笑兩
得之前年贈我寄巢詩放曠直與洪厓期今年示我壺園
圖渺然秋思生蘊鱸一瓢到處足買酒何獨戀此空搔首
波濤滿眼江吞天仕宦真似中流船黃塵滾滾白駒影此
中日月長如年憶從壺室

左田師齋額

問奇字而今看畫長安

肆亦知神仙愛遊戲奚必長房能縮地君看東海小方壺
袖裏攜歸香案吏

近爲春海署
園居曰方壺

題陳登之

延恩

別駕罷讀圖卽送之官江南

讀書不讀律致君終無術兒生帶經鉏徒勞不如逸此特
憤詞耳前賢有所嫉君胡欲罷讀得毋慕投筆一第安足
溷世人重得失外觀豈不耀虎皮而羊質古來豪傑士奚
必此途出君才信卓犖家學能纂述胸羅星宿衆腕走龍
蛇疾文章有奇氣談笑劍鋒溢東南衆諸侯好士若膠漆
別駕雖冷官民艱諒久悉飛鴻滿中澤弋者尙羅畢催科
與撫字毀譽安敢必縱之灑澹力抗論何所怵通經貴致
用糟粕固當黜斲輪在堂下桓公且見詰君眞讀書種俗

吏羞與匹圖畫惜舊雨詩酒餞春日太邱道誠廣願君慎
名實前旌有五馬後車有千帙

饒飢亭集卷十九

壽陽祁寓藻叔穎

古今體詩二十九首

癸巳甲午

四月六日喜雨

瞻雲未敢冀滂沱鎮日如絲積漸多潤葉雨原非破塊清
塵風不動纖蘿

精誠已奠

園壇壁

雩祭後三日得雨

浩蕩應流

太液波十萬蒼生齊鼓腹一時回首望秋禾

時京城內外賑事將竣

直園初夏雨後聞鶯次春海韵

小雨換新晴

宮花出鳳笙已能回曉夢猶自帶春聲
睨睨誰人見啁啾眾鳥鳴果教搏黍得
斗酒不辭傾

題厲冠卿

同勳

同年七世讀書堂圖

萬卷傳家此鑿楹百年喬木畫圖成
山中筠簡何瀟灑世上蒲輪自送迎
高屐長車梁子弟珥貂鳴玉漢公卿
豈知七葉門閭大祇有青瑣照短檠

君才卓犖更紛綸郎署文章邁等倫
中壘拔讎多善本小同寫定卽傳人
堂留嘉樹成陰遠郡有廉泉識吏循
不用苦搜樊榭句要看珠海盡還淳

冠卿時出守廉州

題吳仲昀

振械

同年花宜館輯詩圖

左史才名冠里閭西泠風雅溯權輿
翩翩誰似吳公子應

厯能譚越絕書詩卷

五朝耆舊在硯田三世典型餘定知點筆桐陰下門巷時
停長者車

要使輶軒備土風非關華藻門雕蟲孟堅家學承西漢後
鄭詩箋付小同鼓鑄總歸歐冶術精英不廢刮摩工卻將
繪日摹天手一掣鯨魚碧海中

黃塵烏帽幾人閒大几明窗坐掩關萬里歸來湖草綠三
春迭盡鬢毛斑馬卿遊倦偏多感謝文文繁不可刪解識
秋蘭初佩意女嬃山鬼破愁顏

城南韋杜數追尋慷慨論文愜素心五馬一麾才卓越十
年重見氣深沈思歸我已如汾水感舊君方憶越吟莫便

掉頭滄海去松雲高處有薰琴

次韵春海閣部荅舍弟幼章園居消暑

夏舜商尊太古酒奇字蟠胸隱科斗三天日月一壺內神
仙起居辰及酉邇來放直更無事品評花石區妍醜當門
車轍草易滿時有馴鹿闌其牖臺笠者誰見者怪

君園居喜著草

笠

唯我與君交最久石渠夜迴雙然藜玉井花開三見藕

與君出入內廷皆三度

說經鏗鏘楊子行驅馬悠悠朱伯厚平生未

除是豪氣富貴可致羞援手夜光沈深月含魄雲路遼濶
箕張口忘機豈但鷗可狎入畫不覺龍爲友方將篆刻付
童子況肯低顏作老婦如君圭璋乃特達詎獨文章堪不
朽貢禹彈冠我所媿庶幾進退無敢苟頻年將母拜

君羹屢奉輕軒過

宮柳高花大葉雨來時布韞青鞵公退後君詩往往逞雄
怪談笑能令籍湜走其言甚大意尤密雲龍上下求吾偶
上云

主恩逮祿養下爲同僚勗職守淋漓飛動雜感慨華髮相
看幾搔首嗟予有弟困塵鞅衆人爭涉印則否若非滄海
納涓流敢望黃鍾應瓦甌

季高編修重居直園近光樓同人置酒相慶

好花如月不肯圓圓時惆悵誰爲憐中秋秋色亦可借花
開無計留芳妍紅霞貼地青翠天上有縹緲之飛仙市樓
鐙火照不到驅龍吐珠應未眠譙鼓統統動清酌花光水

氣明空廓浮萍聚散一彈指歎息十年無此樂

癸未春子與春海撰

生季高皆居是園比來蹤跡

西園飛蓋不可期

詒晉齋集有光樓

離合無定至今而復聚

翰林主人來何時

照齋相國近光樓記嘉慶甲子歲作今扁刻猶存

惟有

朱華與明鏡照人鬢鬢涼參差年豐雨足真可喜樓頭幾

見平橋水不惜去年無此花但願明年花似此

觀鴈宗伯

宗萬

競渡圖卽事述懷因題其後

搏桑日出天下曉萬頃一碧滄溟小九龍飛舞出瑤池五色離披逐仙鳥陽開陰合爭後先獨有黃龍更夭矯騰擎宛宛從東來銜尾羣龍不敢掉憶昔澄虛水閣涼仙槩一葉開端陽

至尊親御芙蓉榭侍從齊排鴈鷺行須臾彩鳳傳

丹宇豈止驪珠三十四雲霞駘盪曳波濤絃管鷗鴉破空
翠羽扇香羅拜

賜回鈞天廣樂夢中催詰朝獨鼓湘江楫同伴爭誇碧玉

杯

癸未五月朔日

上御澄虛榭

賜近臣觀龍舟競渡

寓藻與馬次日遂拜視學湖南之

杯未獲躬逢其盛

命午日

賜酒傳

聖人作事無過舉上奉

慈歡下胞與禾黍惟思協雨暘歲時何必沿荆楚楚些三

年厭使軒歸來道路喜傳言已見錦標辭鳳液更聞絳樹

出梨園白頭宮保香案吏

左田尚書

能說

三朝泰平事赫赫穿池教戰功明明卻馬焚裘意當日如

山歟畫工郎

世甯

唐

爭貌玉花驄不許金明繪池水但

令殿壁圖幽風此圖卻出詞臣手點染新蒲兼細柳江山

人物清且妍想見鬻軒豹尾後

此圖江鄉風景蓋乾隆年間南巡扈從時所獻

御園福海午節競渡故事
道光初年舉行旋即停止吾

皇儉德繼

先皇嘉頌無煩第馬揚南海鯨鯢埽三窟

頃年湖南廣東
盜匪臺灣夷匪

次第
湯平東吳稊稻集千航

送六弟侍慈輿歸里

年來心似倦飛翰投樹飢烏力已殫親老爲誰仍跋涉家
貧惟汝共艱難白雲繞舍看無盡秋雨連牀聽漸寒堂上
頻頻會姻戚頓令離緒雜悲歡

世德清芬硯圖爲吳梅梁

傑

京兆同年題

君昔示我關雪圖云是先人宦游之所在鏡湖歸來有片
石墨瀟淋漓發光彩留詒到君已三世篋衍珍藏三十載
玉堂翰札諫垣草巴蜀江山楚蘭茝文章政事並落手往
往揮豪動寮案漢廷京兆需長才

君相疇咨久相待君攜此硯馳而至霖雨隨車走江海維
時畿輔正苦旱陳粟一斛珠百琲元雲油然起膚寸豐歲
良田功已倍公退從容治案牘坐對涵星夜及亥不知螺
丸費幾許但見閭閻流惠愷昨君謁事蓬萊宮顧我園廬
喜爽塏袖出硯圖銘細字清白家風能不改鴈門舊政碑
在口吾鄉尙頌神明宰君才卓犖繩祖武顧盼聲華重鼎
鼎政平訟理嘯歌作點筆秋花紅破蕾留茲璧友事砥厲

媿無俊句供搜采會須來訪鬱林石更看拜舞萊衣綵

送田季高學士視學瀋陽

玉堂學士乘使軒鳳閣侍郎贈以言

春海前輩賦詩贈行

其言甚大

有本源如黃河水來崑崙我欲和之舌且捫姑以目見爲君論

三陵峒巖俯乾坤東望日出扶桑瞰雄關枕海海欲吞惟
醫巫閭鎮其垠松山杏山山有墩是古戰場雲雷屯以錦
州爲遼瀋門疊道之險淖且瀋馬不得渡鳥則驚柳條爲
邊孰折樊平林蓊鬱疑挂猿大小凌河牧馬蕃爛若雲錦
秋空翻曩者洪承祖大兵自燔四十萬騎無一存遂開明
堂休軍輓二百年來文教敦王侯將相之子孫熊羆貔虎

皆鳳鵠

六龍所至春陽溫筵几酌匏衢置饈待臣載車隨橐鞬曾
入宣室觀脈牖厥初生民溯姜嫄福祿來下鳧鷖暨羲軒
沕穆虞夏渾土樸而秀民則惇君以文章承

帝恩不惟其文道益尊

頃大考翰詹君以
第一人超遷學士

帝曰多士惟汝掄落其實庇其本根如攻堅木弃液楠如
植嘉卉滋蘭蓀監以止水燭以燉母令恣恣而喑喑君拜
稽首辭掖垣西其家室東其轅蕭然行李無繫援知君政
簡心不煩君家一方季與元與予同里爲弟昆憶昔夜敏
礪閭村短鐙出籬驚雞豚悲喜聚散勞心魂十年蹤跡相
追奔送君此去如鵬鯢雲垂海立方騰掀鋒車四出連旌

聲孰窺國館登周原君獨持節依天闕東方之美多瑤琨
三煙五葉何幡幡豐貂老蚌文雉鷗惟君所取材實繁君
乃不媿庭縣貍天祿之閣雙龍蹲中有玉版金泥痕東丹
曾未窺其藩君得縱觀無朝昏坐中賓客朱輪轡門下驂
駟白腹驪得人報

國如負暄此志耿耿不可諉作詩唱酬比簾櫳君詩更憶
芙蓉園

題史荔園中丞譜春郊問雨圖

泰岱崇朝雨秦川萬頃田不關祈禱力自有轉移權問俗
艱難際勞心撫字先喜聞漢都護羽檄罷籌邊

宛宛橫槎渡疏疏麓亭出遊無騎從得句半郊垌渭北

餘春樹默西望歲星遙憐荷蓑叟攀送爲驂停

癸巳十一月二十七日雪

今年秋大穫畿輔冬未雪麥價旣復高百物苦燥烈側聞
齊豫間盈尺沒車轍吾鄉太行陁莽寒雪結冪吏數馳
報

皇情彌軫切獨慮輦轂下陽氣過發泄

靈宮一再禱

精誠已上徹玉龍不敢睡銜珠走如掣曉來重陰合風色
助凜冽須臾宮樹明觚稜出凹凸朝回九衢寬車馬互明
滅是日日在癸恰值小寒節豈惟田公笑想見

宸志悅丹毫灑積素萬花門飛屑飄飄謝莊衣霑溼不忍

擊是物關民命可以消蓄孽比年南國潦正賦或有缺似
聞海塘潰復恐滇池裂

皇穹至仁厚遐邇何區別愆陽與伏陰斯理難剖決在天
無雨粟在地無金穴國用固有常耗斁力易竭仰惟

宵旰勞所媿虞祿竊城南尺五近西山晚明潔蕭騷紙窗
底把酒心肉熱但願屢豐年占著不用揲

程春霖山水歌卽寄晉陽劉蔚文

天緒

往年曾讀君家祭酒書

春海前輩

謂君六法宗三王江南山水

畫不足更歷燕薊登太行身所未到筆已到真氣外溢鋒
中藏手寫白紵扇團團明月光佐以雙小印古秀奪漢章
子時閒居編六枳几硯得此如琳琅相思三載苦未識京

國重來看秋色芙蓉園裏藤花屋一丈橫煙捲不得於春
盧見君山消寒共醉城南雪江水江花照瑤席鐵官風味
水橫幅冷於鐵君時以解官喚作畫師眞可惜太原有劉子愛畫
鐵自晉來京入骨髓今年寄我米家紙君亦誇其蘆鴈美因君致聲慰
所思更須礬取一正好東絹請君放筆爲寫瓊山玉水唐
侯祠

題春霆印譜

上窺籀史下凡將古趣精心腕力强寶晉珍題留米黻行
唐小字認陳騫不論銅玉蕓兼妙更羨詩書畫擅長怪底
奇芬出懷袖知君篋有透雲香

題沈聽篁編修臺花吟圖

舊游汗漫拔鯨牙
唾手詩成在碧紗
爛醉錦堂千日酒
笑看銀燭四時花
雪蕉豔入維摩筆
菡醬香隨博望槎
閩嶼至今無戰伐
火荼銷盡出雲霞

今日燕九日一篇

今日燕九日車過西郊門
大隄士女何頽斌
衣服照耀雲山新
僉曰白雲觀是日羣仙臻
中有真人邱長春
疑心冀一遇授我要妙可長存
何方道士衣結鶉問之不語亦不
瞋瞑坐如地茵觀者施錢繒或攫其篋障以身乃知仙家
亦厭貧金丹有幾許乞與凡人吞繡衣使者持斧巡是攘
攘者皆閭民力欲驅之歸樸淳道旁野叟歎且顰憶昔旱
潦歲春郊靜無人飢來驅之去飄風卷浮雲但願年年歲

歲作燕九西郊門外流水如車輪

九月八日訪吳六丈彥明於寨北翼日登雙鳳山留

贈宣智和上

夕宿赤厓澗

西張寨舊名赤厓澗卧虎寨見寨北村香山寺成化年石幢

北眺雙鳳峯

雙鳳何年來棲此萬古松吳丈古君子邀我登蚪龍是日

日重九青天開芙蓉驅車響磬确散步披蒙茸燕麥黃不

收高低喧秋蛩遂謁龍母祠虛堂雲氣濃神井深莫測靈

潭無春冬年豐時雨足神力彌從容坐視賽會集社鼓忙

村農岑樓架石厂開窗盪心曾全邑忽在目四山爲城墉

芹泉向東注壽水流西衝廣牧

城在縣北漢廣牧縣

與賀魯

城在縣西三十

里相傳趙簡子所築亦名胡蘆城

廢址銷煙鋒戟戟晉州寨

金興定四年以壽陽西張

繫置晉州後爲蒙虎踞留遺蹤墓讀至正碑有元修已重

寺古不知初建年月有元順帝片石觀手澤淚墮心惺忪

至正年碑載至元年間重修嘉慶十六年重修寺碑失君誤

追尋蠟屐迹幽徑蒼苔封文曾與吳丈遊此已二十四年

矣下視五龍洞側足不敢從仰攀松林出山背風濤春遙

指靈嵩寺石刻如窠蜂山後村名陽摩寺摩厓古刻甚多

得唐刻數紙有古靈嵩寺功德堂記書法似褚聖敦序惜哉日已西寒雁催霜鍾山

僧乞筆札心力余方慵結茆會有期留語青藤筇

謁漢邳侯廟并序

平定州河砥鎮東里許有明靈王廟建自明嘉靖中

祀漢邳彤按范史邳彤傳字偉君信都人初爲王莽

和成卒正世祖徇河北降呂爲太守王郎兵起唯和

成信都堅守不下世祖自薊還失軍議者多言可因
信都兵自送西還長安彤曰明公奮二郡之兵揚嚮
應之威釋此而歸豈徒空失河北必更驚動三輔世
祖善其言卽日拜彤爲後大將軍和成太守如故自
此常從戰攻封武義侯建武元年更封靈壽侯注在
今恒州靈壽縣西北明靈王之封不知始自何代舊
碑作邳全誤土人呼爲邳彰廟彰蓋彤字傳寫之訛
後漢郡國志鉅鹿故大鹿有大陸澤東觀漢記王莽
分鉅鹿爲和成
郡靈壽與上艾俱屬常山國侯初爲和成太守終封
於靈壽平生戰功多在鉅鹿常山之間今平定卽漢
上艾地故裡祀弗替道光十四年九月記

紫色奪金刀赤符起白水羊頭與羊胃四海怨更始王郎
小者耳假號望風靡滹沱冰驟合天意可知矣奈何欲西
歸坐令成功毀誰歟盡此策毋乃鯁生是侯時守和成其
勢如雍齒堅壁挫賊鋒抗論排羣詭唾手邯鄲拔傳檄定
遠邇一言足興邦褒贊著青史帝固赤心推侯實曲突徙
若論雲臺功耿賈尙非比當時戰守地河北望鞭箠鉅鹿
常山間精靈往來此上艾有遺廟千載崇報祀冕旒照旌
旆山河壯壁壘攀雲橋上字斜日重徙倚

讀趙漢章先生

宗文

時竹編

湖南綏寧縣古名時竹

吾鄉乾隆時學校盛英嘉泰

尙志

祁與趙

宗文

魏象中當

時稱四傑秦君領鄉薦

丁酉解元與先君同榜

窮老鮮施設著書多

散亡存者盡鼠齧魏以明經終冷官勵冰雪

魏以歲貢秉鐸

先子

宦京國并載甘守拙詞垣與郎署所遇輒机隄幸遺手澤
在每讀心內熱先生名孝廉治行盈宦轍楚南歷繁劇苗
疆正驕桀方其下車始利弊心已決彈琴且讀書疑獄不
待折獄嶽趙公祠至今蘋藻潔曩余使湘沅稔知遺愛切
此編曾手讀經畫周瑣屑先養而後教農蠶及縣苑若入
循吏傳當置文翁列嗣君

五雲

承家學遺事爲我說歎息

老成謝俯仰增儀結更聞訓俗編民隱皆洞徹全豹儻許
窺捫管待鈔掇

山店鵠

山店鵠爾何不向朱戶棲黃口未退思孤飛長繩繫爾足

故巢何時歸渴不能飲亦不飢側翅自啄尾顧盼臨窗扉
解縛縱爾尋常事嗔喜難明主人意

憩永興寺寄懷海禪師

并序

禪師臨濟宗派俗姓裴平定人舊居壽陽界牌西永
興寺中年受戒律於京師法源寺歸而築室種樹於
大樂山下重修大樂寺足不履城市偶爲近村療病
出有識之者今年八十有二身益健道益高永興寺
僧悟環乃其法孫也

懸車過峻阪磴道入迢遙樹碧遲霜信厓顙上鐵苗泉聲
秋更急風力晚逾驕悵望幽棲叟欣逢谷口樵

宿張氏陽泉山莊寄石洲

人事無端有愛憎金鍼花樣總難憑亦知縮額因昌歆何
至揮絃卽廣陵象罔求珠真易易蒙莊說劍轉兢兢卧雲
亭畔秋風起棖觸離懷到季鷹

晉祠

懸甕山前碧玉水其源側涌成兩潭

祠北泉曰善利南曰難老

左潭淳

泓若古鏡右則鎗落笙鍾酣鑿石爲孔孔凡十七分北注

三分南南北灌漑三十里並驅入汾如兩驂餘力猶能動

春磨清景不第輝林嵐唐渠漢瀆利可溯瑤也胡爲恣其

貪欲以狂瀾毀保障三版未浸頭已函乃知利害惟所用

識機不關張孟談祠前古柏舊有二片石手勒霜紅龜惜

哉里人翦其一得不念彼甘棠甘

傳青主題曰晉源之柏第一章相傳周柏也

嗟予廿歲兩過此倚樹聽泉心所耽惟有善利與難老照

人須鬢真可慙嘉慶十八年冬曾遊此晤介菴禪師貞觀之碑龍鳳姿後代

石刻如僵蠶邇來二朱可共語事明簡資旁參朱竹垞游晉祠

記朱文正公重修唐叔虞祠碑記摩挲未了墨痕半繫戀曾無桑宿三坡

公焦山句好借爲我佳處留茅菴

清源東湖

東湖浩淼城東隅城十里湖五里餘東南北望澹容與以

城爲隄高不孤其利蒲葦蓮藕魚鷺鹽者瀕湖西居人情

愛憎固自殊吾兼取彼王與儲邑人王象極有清湖十景詩序云風月無私閑我卽

爲私我湖山誰主遊人便是主人知縣儲方慶有東湖記云湖居邑東偏城市廣狹湖有其二焉父老言縣故無湖

湖所占者悉平壤曩者白石水漲悉歸城東外障以垣牆而內益以泉水故成湖王曰此湖信可

娛琴書一船酒一壺醉吟不管朝及晡釣竿往往明月俱
儲則謂湖實膏腴以山水故成此洿城垣外鬻泉內噓意
欲填之爲平塗俾民有田且有廬我來臨眺心躊躇登城
東指灌稼渠水有所洩峯不枯或因儲言乃決疏王固達
矣儲豈迂西山窈窕窺閨翠鬟瀉鏡慵不梳安得飛閣
陵空虛坐我海嶽之畫圖作詩徑欲袖此湖清景一失難
追通

復欲亭集卷二十

壽陽祁寓藻叔穎

古今體詩五十一首

甲午乙未

書太原段帖後即寄劉雪巖

霜龕曾獲手編詩昔於晉陽書肆得今見銀鉤歎色絲段帖

四卷太原段粹刻介子久除豪士氣安民猶識黨人碑高

石皆傳青主書風嶽色河聲在餘事雕蟲篆刻為異代子雲亦知已殷勤

油素更搜奇雪巖博學多藝酷嗜傳書片紙必壽諸石

趙烈女辭

烈女趙二姑家於榆次之雙村墓於王胡一解强暴者誰

閻思虎烈女年十三欲死冤未愬愬於父母鳴於官請急

捕虎

二解

官曰女毋多言女奚冤縱虎弗治女聲吞

三解

愬於御史臺臺咨大吏大吏曰女毋多言女奚冤縱虎弗

治縱官弗問女呼天

四解

昔不死冤未愬冤再愬逢彼怒

女有一寸鐵剖喉代女言剖腹代女明其苦炎天六月尸

不腐

五解

官吏恟於堂士民譁於鄉行人歎憤自晉千里

達都京

六解

給練梁公

中靖

夕削草朝拜疏請逮虎下之部

刑未施虎已俯官實爲之縱虎弗治女死有冤奚所愬

七解

解
煌煌

丹詔旌爾烈女譴彼官吏磔虎於市

八解

趙烈女徐蔡氏

浙江案亦道光年

間特旨平反者

九解

若非照以日月

激以雷電覆盆之下何由見守土者可以鑑吁嗟梁公眞

給諫十解

太安驛韓文公詩亭用東坡苦寒詩韵

邊城得寒名始自長慶年韓公題句後春去何時還園花
與巷柳羞澀難爲顏山骨故自冷稱此冰雪篇我行半楚
粵苦與毒熱緣洞庭一見雪忽如逢舊歡脫身縉塵中歸
來卧青氊每思經行地昔人導我前又魚過湘浦驅鱷窮
海壖大賢無不可破荒開南天尙說斲竹涼不爲荔支鮮
猜猜成德軍虎牙守銅鑲一言如挾纊譚笑行復旋

昌黎次壽

陽驛詩云風光欲動別長安及到邊城特地寒不見園花兼巷柳馬頭惟有月關團蓋使王庭湊時作也

哭姊夫平遥閭春府

庭椿

京國重相見浮生已倦遊豈知女嬃恨不及大刀頭

二姊侍養

太夫人疾比還里姊夫已
逝逾數月又遭太夫人憂痛我思萱草何人助麥舟未看
婚嫁畢且免室家憂邱嫂憐誰倚春府孀嫂無子依吾姊居孤甥學未
優田無秉耒處書有鑿楹不姊孝天應鑒心強命不猶欲
言還慰藉忍淚問松楸時尙未葬

示三姪世齡

脫手文章見性情夜長好伴短鐙檠中年憂患思兄切後
進蒼茫望汝成才大須除名士氣家貧賴有讀書聲春暉
報荅非容易豈爲區區一第榮

十二月二日雪

癡雲繚繚裹白日忍凍不放玻璃溢東風一翦破虛空無
數春花點疏密初憐著地吹復散漸覺黏衣拂更疾方員

圭璧總無意潔白分明敢自失亦知造物喜雕鏤故遣微
陽動鍾律今年雨足秋大有頗怪冬暄寒不慄老農那解
問牛喘憂喜若與三公一憶昔大雪過牛目劭公僵卧何
由出果然騰踊到塵市豈暇呬唔映書帙紙窗青鐙有客
來坐久更聞聲瑟瑟盈尺袤丈不須論且學尖叉門吟筆

樹稼

木乃少陽精雪以純陰化雨則爲木冰雪則爲樹稼霏空
已竟日餘力還入夜不聞風獵窗轉若月窺樹陰陽巧醢
釀扶疏出穠稔定知滕六意欲使老農詫萼榮徧枯朽噓
潤及衰謝飛燕體驟肥嫫母顏頓姁同氣生鄂枿交柯得
姻婭夕秀若自矜朝暉幸許借乾坤入莽蕩墟里忽閒暇

野曠疑更深山明望無罅斫煙斤斧愁啁凍鳥雀罵曉寒
犯屐齒徑滑門腰胯茅龍衣盡換松蚪鱗欲卸漣漣雖未
消綏綏漸已下煮茗悔無計攀枝惜復罷歸來歌飯甕便
思手犁杷朝衣久脫莊詩思忽在灞且任田公笑無爲達
官怕

歲莫與三兄六弟述懷用東坡寄子由詩韵三首

痿人常夢起手足聊自佐孺兒常夢富昔昔得奇貨我本
畊田夫識字窮措大一官二十年奔走思高卧苦逐豹尾
車濫廁貂蟬座蕩蕩天市垣如螳獨旋磨親老不知歸往
事難悔過欲說復吞聲惟有壘篋和

昔歲省親歸陳情良未遲昨歲送親歸車輪猶可追燕趙

千里近不隔天涯誰令博升斗荏苒逾歲時親顏日羸
老吾家安用肥菽水有餘歡別離無窮悲

君恩重可戀或許再三辭徒抱寸草心莫荅春暉衰
種松日以長修榦蟠虬蛇松子落成林新陰行復遮歲月
去飄忽來者當如何風塵滿天地山居靜無譁可憐書生
耳久厭官鼓撾青雲豈有梯捷徑多傾斜學道苦不早撫
時悲蹉跎且爲勞者思少壯言徒誇

送六弟之館洪洞四首

骨肉悲重聚風塵悔久淹在家還作客陟屺更誰瞻養志
吾何有飢驅汝復兼寒鐙挑夜雨此意媿蘇髯

姑射神仙宅王官吏隱居蓮花好城郭槐樹舊村墟

吾家
明初

自洪洞大槐樹遷壽陽 憂患能傷性清閒且讀書向來離別意只爲

望門間

道力終能鑄雄心未肯灰漫追勾漏令須惜洛陽才鹿洞

遺規在侯芭問字來五經元有笥明鏡本無臺

弟方留心道藏

春去眞堪恨春來祇自憐相看花萼影無復綵衣鮮境爲

豬肝累書憑雁足傳安知千里月不似故鄉圓

時家及泉兄爲襄陵

訓導相距不百里

聞牛鏡唐同年 鑑遷順天府尹

平生頗笑淩雲賦日莫徒成梁甫吟長策要思民保障大

才難得器深沈趙張前後爲京兆元白當初共翰林

鏡唐與梅

梁同年皆以陳不獨彈冠相慰藉青山還有濟時心

泉內遷斯職

書院一首示六弟

書院初自唐開元麗正集賢皆禁垣其後南北有四大興
學校並生徒繁主其教者必耆宿天下乃知師儒尊高楣
大榜照城郭賜書猶有龍鳳痕鹿洞之規若可復得士豈
以文章論搢紳道行利祿重郵傳日見書幣奔餐錢餽粟
飽遊客精舍蒿萊無守閭士氣斷斷師道廢乃以標榜爲
市恩方今

聖人奏雲門四海俎豆何溫溫西方諸侯尤重士欲令唐
魏風再敦河汾教澤代雖遠薛夫子書猶有存平陽大邑
材之藪其華則茂實則蕃且往從之毋多言導河一爲尋
其源

春後水仙花

青簷文石水生苔
待得開時卻不開
應解騷人怨搖落
珊珊仙佩故遲來

趙承旨十八應真畫卷爲新城涂小山

桂生題

一貝葉中大千界
長眉無語意微會
杖藜者誰故饒舌
有似白鹿問布帟
海水幾時偷入鉢
彈指一瀉發光怪
若使天龍並無角
赤手緣何控其背
老衲點頭見已慣
少年故自喜狡獪
豈知大慧不用呪
獨立拈花靜生態
偶然騎虎出送客
三笑竟破虎溪戒
翻身幻作師子吼
得毋忘身未忘愛
揮塵卓錫尙有情
唯有無情無罣礙
嗟君何處得此本
骨相棱棱出筆外
卷尾模糊認小印
非松雪齋誰能畫

細看猶存畫馬法轉折迴旋入衣帶貫休手蹟予所見一
在嶺南一大內彼以蒼古此圓勁腕底已無南羽輩荒村

古寺得斷紙邇來又見宣和派

余近於村北唐崇福寺得宋宣和時車駱院待詔劉

右宗畫十八尊者卷古紙斷裂而神氣尙完

急出與君互參校晴窗拂拭生虛

籟知君袖有寫經筆小字泥金儻許勾

君以手書無量壽佛尊經冊見示

聞雁 二月二十二日

不謂春來早其如客去何離心汾上遠孤響月中多草草
惟梁稻紛紛有網羅那堪愁坐聽搔鬢隔星河

燕將巢

燕將巢銜泥飛飛求其曹巢成哺子子亦長飛飛銜泥又
來往或宿茅檐低或傍彫梁棲人間風雨不可齊巢成巢

毀心不異同乳同飛莫相棄

春分前一日雪憶六弟

連日東風氣暗回春寒偏向客心催十年京國塵猶在二月山城雁始來庭院無人空瑟瑟鬢毛何事亦皚皚應憐王粲登樓意揮霍紛紛不肯開

清明日掃墓松下煎新泉憶六弟

夜雪朝晴正莫春棉衣挾背已津津池傾玉液渾無計綆汲山泉忽有人便許銅餅分一勺聊披隴草坐重茵緣坡瓦礫堆爲竈鋪地松釵拾作薪石髓雲漿非易得龍團鳳餅未須珍冷煙遂破清明禁元酒猶思太古醇鏡裏霜飛青鬢改花邊淚灑白楊新雁行西去誰傳信羽檄南來欲

動塵已是郇瑕謀去絳更堪張祿遠遊秦何時共坐清陰
下煮茗風濤說苦辛

三月二十八日雨

連年春雨來每在穀雨後其日率丙丁火乃水之婦其時

值土王蓄積氣已久

去年丙戌日雨今年丁亥日雨
皆在穀雨後土王用事之時

閒居

觀造化斯理信非偶清晨登北原隨意問田叟叟言不讀
書亦不識休咎穀雨耩山坡農諺常在口年年此時雨新
綠記高柳布穀勸我耕提壺勸我酒不知天公意果否憐
老醜但覺暘雨順量力得所受占驗且不暇祈禱復何有
達哉田叟言吾固媿爾厚霍岳方洗兵滌蕩及林藪願從
把犁鋤努力事隴畝

四月朔日雨後村北觀音堂尋兩度題壁處皆無存
矣復題絕句

三度題詩三十年紅牆依舊綠陰圓留將花落苔深句記
取東風穀雨天

舊題有舊游忽記題詩處
花落苔深又十年之句

聞雷

出地聲何晚南山望已頻雨來方灑道風過欲回輪蠶蟄
驚先竄龍蛇氣未伸書生徒倚柱不敢問經綸

山邨夜析

山邨幽僻如太古夜靜不聞統統鼓白頭父老話耕農三
世何曾識官府邇來狐兔竄汾霍霍南百里人蕭索疆帥
屯兵待窮寇縣符急下催鳴柝承平日久無兵事戍官劫

囚等兒戲此輩跳梁何足患坐令唐風日顛顛山田四月
方播植日莫歸來不得息邑侯豈不念爾力莽莽南山有
盜賊風中柝聲繁且哀刁斗落耳紛疑猜何時賣劍買黃
犢吠犬生鰲門夜開

瓶花

花到全開信可憐不須零落已悽然紅肥綠瘦誰爲主雨
打風飄敢問天幸有銀瓶新汲水豈無瑤草未耕田思量
華髮成惆悵一度登茵又隔年

夢中得句醒而足成之

晨窗鳥語疑山近午枕茶鳴作雨來寂寂柴門無剝啄日
長誰引夢痕開

詠何首烏

昔我居淀園不喜蔓生花謂其工賃緣屈曲如虵蛇秋雨
壞籬落春風亂槎枒依人致高危失勢委泥沙竭來卧田
舍褊心時自撾勁草實難得何必求疵瑕宛宛交柯藤抽
根如頰霞云是何首烏能令髮不華服者爲地仙餘力祛
風邪惜哉枝榦弱敝倒花闌斜呼僮縛枯葦引之過檐牙
盛固非爾能飄零吾所嗟當爲濟時藥勿媿蓬生麻歐陽文忠
送襄陵令李君詩云綠髮襄陵新長官面顏雖老
渥如丹自注君服何首烏鬚髮皆黑顏如少時

病腕

因病得閒兩月餘日長唯有夢蘧蘧尙思力挽强弓射且
免人求細字書坡老眼花猶自可世南臂痛欲何如不須

搯擊談時事早久山田已廢鋤

讀本草

炎農嘗百草黃岐肇靈素爰有本草名功在起沈痼品分
上中下以應周天數桐雷見而知扁華遵厥路華陽著別

錄頗糾吳普李當之誤唐宋官撰述蜀本足參互卓哉陳

陳藏器本與唐唐慎微證類本草兩朝實獨步元素珍珠

囊金張元祕旨燦然布東垣及丹溪元李杲號東垣著用

稱丹溪先生著源流共沿沂東壁著綱目明李時珍意獨

本草衍義補遺紫陽慕醫師書未以實有神靈護自從周官後不受秦火

妬古人重多識名物資訓故柰何以醫戲服食死不悟憑

軾觀壁上百草門如霧

書趙飴山談龍錄後

一讀南華悔已遲十年東閣可容窺雲龍甘作低頭拜只有韓公薦士詩

禱雨二首

乙未歲五月二十二日

紛紛雨淚灑龍湫天意蒼茫不可求東海尙知憐孝婦西

河那忍失賢侯

趙城令楊公延亮循吏也三月四日賊起全家被害

山多珠玉焚將

盡

趙城在霍山南

路有桁楊哭未休滿目炎燁轉蕭索密雲南望

使人愁

山國恒飢謹蓋藏邇來醫得眼前瘡

壬辰饑邑人蓋藏殆盡不堪薦臻

更

無秦伯能輸粟

閩陝西亦久旱

唯有周官與救荒市賈坐聞連日

踊秋成翻幸閏年長

今年閏六月

寸苗未死心猶活敢託靈氛

叫九閩

苦旱四首

不敢夢霖雨舉頭惟望雲
蟄龍抱珠睡塵海赤如焚
川涸豈無井苗枯還自耘
老農知餓死祈禱且紛紛
投筆出門去歸來空歎嗟
隴松日以槁何惜檻前花
乾麥化爲土溼雲流作霞
還求種植法此願恐終奢
黯黯雲雷勢明明水墨痕
疾風銷白雨斜日送黃昏
屋瓦飛空碎盆魚吸易渾
無心更灑埽愁坐石牀溫
捲地東風急沈沈夜氣回
直吹海水立不放嶺雲開
萬馬奔騰過疏星點綴來
但令天下雨荒徑任蒿萊

山苗

澗松鬱鬱羨山苗地勢由來匪一朝雨露深恩誰料得失
時更讓野花驕

夏至前夕雨

五月二十六日

穀雨兩番雨雨輒不過寸甍勉事犁耨狂飈幾顛頓卽今
日長至麥槁苗亦困茫茫應上公呼禱厭久恩豈無濟物
責畏炎行復遯大哉乾坤力雷風戰震巽喧豗忽無聲陰
雲壓塵空灑然涼入夜雨勢一何遜譬彼暵將死驟飲懼
其噴徐徐沁心脾沈沈蘇煩悶曉來笠屐出平綠原野嫩
藥欄亦有態粉溼紅半褪稍思近筆研漸欲忘背良時方病臂
皇天至仁愛農事敢遲鈍黍地尙可耕米價不須論似聞
居奇賈紅朽積新恨

夏至日仍雨

人意亦何極天工良獨難六旬憂旱暵一雨變秋寒豫想
牛耕滑翻思鵲噪乾誰令免溝壑霑灑望
方壇

移山花植小圃

草堂何處覓橙栽浪說平泉錦繡堆不是山中一夜雨野
花零亂爲誰開

婉弱經時不作書呼僮信步出村廬可憐長爪渾無用日
暮空山自荷鋤

書昌黎斲竹簟詩後

腰腹隤然談笑雄傳神竹簟一篇中如何乞食歌姬者紗

帽籠頭誤畫工

樊注引沈存中筆談云世畫韓退之小面而美髯著紗帽此乃江南韓熙載爾熙載

謚文靖江南人謂之韓文公因此遂誤以爲退之退之肥而少髯此詩有腰腹空大慢膚多汗之語

擬兩頭纖纖詩

兩頭纖纖梳上髮半白半黑
弦後月膈膈膊膊城頭析磊磊
落落道旁碣

兩頭纖纖機中絲半白半黑
枰上碁膈膈膊膊炊戾戾磊磊
落落新相知

海鳥二首

海鳥止何許乃在魯東門疾風羽毛鍛中道難飛驚不知
魯君臣左右誰爲言居然鍾鼓享祝史一何繁在野易爲
感居高易爲恩豈不飢與渴念此如籠樊終焉返寥廓媿

彼情義敦

海鳥巢何許乃在三神山朝隨鸞鳳鵝莫逐鷗鷺閑一朝
捨之去羽翼無由攀誰云兩黃鵠銜書落人間人間風塵
多念爾何時還願達區區誠爾守一何慳豈不念友朋感
惻難爲顏

擬剝啄行

剝剝啄啄門啟復關歷歷珞珞客去復還客還謂我子胡
爲慳子不能默亦不能言旣不能隱又不能干猶且黽勉
以取顯官升斗之祿親不爲歡朝稱莫貸心敝力單如繭
自縛致此大艱螫螫百口孰鬻孰饘孰持汝危而扶汝顛
匪曰友朋子胡能然子不知變乃峻其閑乃堙其流乃塞

其源深局固鍵若畏而跽竄于書叢爲蟬所憐子乃幽憂
搯擊以歎孔棘且殆曾不少悛木以直伐舌以柔存匪屈
胡申匪毀胡完子之涉世已四十年力不自潤而思濟川
將爲名乎名乃身患失今弗悔老將至焉我再拜客有莘
其顏旣懽厥初敢弗省愆脫局拔鍵與客周旋

雨窗獨坐憶徐熙菴

法績

筠簾生晝寒積雨遞秋氣衣縣脫更著鑪火親有味深山
六月初氣候難髣髴葛陂京國夢塵土飽腸胃朝看死灰
然莫見冰山沸咄嗟變炎涼人事吁可畏寥寥素心人霜
鬢卧清渭弃置勿復道執扇不必貴

時熙菴以太常少卿引疾歸涇陽

自戒

予性喜鈔掇筆札不去手朝得莫旋失少好長更醜以此
日矻矻所積不償負又復嗜俗書衫袖遭墨垢揮戈已怯
虞抱腳乃依柳人事重問荅尺素抵瓊玖殷浩慙空函獻
之恨題後低昂几案間終日如杵臼往年目眇昏坐是恒
自咎譬如病酒人病已輒思酒初霑唇及喉漸倒升與斗
不知何所爲苦樂互纏糾爾來又病腕兀若柳生肘袖手
擁書坐諷誦但在口疇昔點勘處領之且以首因思人一
身官骸各職守職守或偏廢此心亦何有量力任以事遇
物節所受常使整以暇毋令蹶而走材力誠可惜培養敢
不厚外彊中必乾居簡德可久當知三折肱良醫所以壽